



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Stephani Thevpoli Bened. F. Patric. Veneti,  
Academicarum Contemplationum Lib. X**

**Piccolomini, Francesco**

**[Basel], 1590**

**VD16 ZV 12463**

Quomodo Mu[n]dus sit vnus. Cap. 6.

**urn:nbn:de:hbz:466:1-12918**

guli enumerati mundorum gradus, modo homini conuenienti inueniuntur: quos cum in homineter maximus Mercurius cōspexit, iure exclamauit: O homo, admirabilis natura artificium. Patet, quid de mundorum gradibus, ex sententia Platonis dicere debeamus: qui per fundamenta, & principia Peripatetica, concedi omnes non possunt; pr̄sertim, quia Arist. nec ideales, nec rationales, nec seminarios mundos ponit; sed eos potius pro facultate variis rationibus reiicit: nec ita singula esse in celo, & in singulis elementis existimat, vt Plato. Propterea Arist. ex enumeratis concedit mundum incorporeum, qui est omnia in eminentia: Ex corporeis, ponit mundum pr̄vniuerso corporeo. Insuper adimitit mundum paruum, metaphorice mundi nomine designatum: Cœlum concederet esse mundum corporeū, sola eminentia cætera corpora continens; non ita tamen, vt modo aliquo formas quatuor elementorum includeret redactas ad igneam puritatem. Quare ita dissentiant, vt ratione diuersitatis principiorum conciliari nequeant.

*Quomodo Mundus sit unus.*

CAP. VI.



I ad nuper dicta conuertimur, variisque mundi significaciones, mundorumque gradus consideramus: optimè percipiēmus, mundum & unum,

vnum, & duos, & plures, & innumerous iudicari posse: adeò, vt à calumnia conuenienter vindicare valeamus Empedoclem: qui mundum litis, & amicitiae excogitauit: necnō alios nonnullos, qui mundos innumerous reperiri existimarent: verè enim mūdi sunt multi: quorum illi sunt maiores, & magis continent; hi minūs extēduntur, magisque indiuidui sunt. Eadem ratione, & via, gemitus Alexandri. Etiam rationem assignare valeamus: deplorauit enim Alexander conditionem suam, audiens plures dari mundos, cùm ipse incomparabili labore adhuc vnius imperio non fuisset potitus. Inquit alij, caussam fletus, & lacrymarū eius, fuisse desiderium imperij inanum mundorum Democriti: sed falluntur: non enim Alexander, qui cumulatè ab Arist. didicerat, vnicum esse mundum corporeum, tam crasso detinebatur errore, vt putaret dari inumeros illos Democriti mundos. Sed censendum est, eum iure luxisse, cùm contulisset hunc corporeum mundum, pro cuius assequendo imperio laborauit, cum mundo eminenti, & diuino: nouit enim inmundum hunc esse mundū mortis, & tenebrarum, supra quem dantur alij longè præstantiores: pro quorum adeptione inania sunt arma, & militaris ea disciplina, qua se cæteris antecellere manifestauit. Datur itaq; varij mūdorum ordines: in quibus, præter cætera, hoc est admirabile: vt ex omnibus, quasi ex centro, & orbibus, vnum consurgat

Q, 3

vniuersum; omni ex parte, cunctisque modis,  
 vniuersi plenitudine, & conditionibus honestatum. Verum ex innumeris mundis vnum  
 eligens, qui praesentis est considerationis, mundum scilicet corporeum ex omnibus corporibus constitutum; affero vna cum Platone, & Arist. eum esse vnum. Rationem unitatis eius, assignauit Plato in Timaeo inquiens; Vnus profecto est mundus, si modo ad vnius similitudinem est formatus, &c. adeo, ut ex unitate mundi Idealis, ostendat mundum corporeum esse vnum. Hanc rationem paruipendunt Peripatetici, & praesertim Alexander: quia etiam hominis, equi, & aliorum, vna est Idea; & tamen multa sunt individua sub specie, eam imitantia. At falluntur profecto; quoniam secus de totius idea, quam de idea partium se habet: nam de ratione Ideæ vniuersi est unitas, ac ut vnum solum sit participans; nam idea vniuersi est quid aggregatum ex omnibus Ideis, de cuius ratione est ut non possit a multis participari: & hoc indicat Plato addens; Quod enim viuentia omnia, quæcunque intelliguntur, continet, socium alterum habere non potest: est itaque de ratione vniuersi, ut unicum sit. Et Aristot. dum potiorem caussam vult afferre, quæ cæterarum sit fundamentum, ad hanc configere cogitur; ut patet ex mundi definitione, ac etiam ex nomine: nam & vniuersum ab eo nuncupatur, & omne, & totum, & cunctorum ordinata series, & rerum

terum plenitudo; & magnum, ac vniuersum animal: quæ omnia indicant, de ratione vniuersi hoc esse, vt vnū sit; ideo de ratione idem vniuersi, id ipsum esse dicitur. Scio nonnullos ex interpretibus Arist. existimare, in mundo solūm repugnare multitudinem ratione materiæ, non autem ratione formæ: quos manifestè errare patet; si nomen, definitionem, proprietatemque mundi consideramus; quæ ab Aristotele explicantur. Propterea cum Platone, & Aristotele dicamus; etiam de ratione formæ mundi esse, vt vnum sit. Præterea, mundū esse vnu, cōfirmatur ex efficiente, & fine: nā fluit ab ipso uno, & ad vnu cōuertitur, & tendit; qđ ab ipso uno, vt vnu est, fluit, vnu est; quod tendit ad vnum, & proximè ex corporibus cum uno nectitur, pariter vnum esse debet. Demum ostenditur mundi vnitas à Platone, ratione sumpta à materia; quæ est cauſa, sine qua res non valeant esse multæ: nam materia mundi, est corpus omne, sub sensum cadēs. Dicamus itaque: Quod constat ex vniuersa materia, immò id, de cuius ratione est, vt ex vniuersa materia cōstet; necessariò est vnu: Vniuersum est huiusmodi: Quare vniuersum necessariò est vnu. Arist. in 12. Metaph. 49. in mundum esse vnum ex eo ostendebat: quia primum principium, primaque entelechia, vna est; nec potest esse multiplex: quæ ratio similis est rationi Platonice suprà relatae, desumptæ ex ipso uno, à quo mundus pendet. Hæc tamen est

Q 4

differentias; quia secus Plato dependentiam mundi ab uno manifestat, quam Arist. & magis ipsum unum supra mundum eleuat, quam faciat Aristoteles.

*De principiis proximis corporei Mundi.*

CAP. VII.

**S**i à primis ordiri volumus, & Mundi principia cupimus cognoscere, primo nobis occurrit unum, quod absolute principium est: mox sequuntur in omnibus recendentibus à primo, tria communia principia; infinitū, terminus, unio: succedunt tertio quinq; rerum genera, siue communes essendi caussæ; essentia scilicet, identitas, alteritas, motus, & status; que principia, & genera, modo quodam intelligibili reperiuntur in mundo intelligibili, modo rationali insunt in mundo rationali, demum modo corporeo inueniuntur in mundo corporeo. Ut in supernis supra corpus collocatis, ex principiis dominatur terminus, & unio; ex generibus, essentia, status, & identitas: ita in corporibus dominatur infinitum, motus, & alteritas. At de principiis loquens, quoniam priora sunt, assero cum Platone in Philebo, principij nomen propriè denotare caussam efficientem: quod etiam latenter indicauit Arist. in 3. de anima cont. 19. in qua significatione absolute unum est primum principium; Latè tamen principij nomen ad alia quoque extenditur.

In